

и неправдавами омрачатися. Довольне бо Павел запрещает всякому сицевому безстыдству, глаголя: «Никтоже воинства сплетается житейскими куплями, даже воинство съчинившему угодит». <sup>φ</sup> Небесному царю воины быхом волею горня да мудрствуем, идеже царь наш. || «Гражданство бо, рече, наше на небесех есть». <sup>х</sup> Да не останемся в земных узех: «Обидливи и хищники во царство небесное не вмещаются», <sup>и</sup> и Павел вопиеть. Но котории обидливи и лихоимци и хищники, точии иже преступлением обет свои жительствующей, и язычне сребро свое на лихву братиам <sup>б</sup> своим в заим дающихи, и лихву на лихву им налагающе, таже последи не возмогшим отдати заимования, <sup>г</sup> обнаживше их <sup>д</sup> имений своих, алчущих и наготующих от своих стяжаний изгнаша? Елико же зъло есть лихоимание, и блаженный Иоан Златоустый в кратких словесех <sup>е</sup> изъяви, рек: «Убийства хищение лютейше есть, помалу нишаго изнуряющее». Но и великий Василей: «Никто же <sup>ж</sup> боготворя ино что, паче бога, может поклонитися богу в дворе святем его. Боготворят же овы убо чрево, овы же сребро, иже лихоиманию, иже есть идолослужение, прилежать. Сицевый, <sup>з</sup> иже несть во дворе святем, ниже поклоняется богу, аще и неразлучен от чувственных <sup>л</sup> събор || быти <sup>м</sup> видится». Да уразумеем прилежне и ужаснемся нерадивии, яко ниже от стояния еже в <sup>н</sup> молитве, рече святыи, ползу ниедину объемлем, дондеже лихоиманию прилежим. Еда разумеите, яко от духовныя любви глаголы мои суть противу преступающих своя обеты и бесчине живущих, а не по некоему излишнему любопрению, якоже <sup>о</sup> неправедне мните!

Но возвратимся паки, откуду изыдохом. Господь бо паки вопиеть <sup>п</sup> яве: «Аще кто хочет по мне ити, да отвержется себе, да возмет крест свой и да последует ми». <sup>к</sup> Да уразумеем силу заповедей сих и разум Законоположнику, каков есть, и како хочет нас житьствовати! Да разсмотрим <sup>р</sup> же без пристрастия <sup>с</sup> и наше пребывание, каково ныне есть, и приложивше то к разуму Законоположителя, и приложением сице уразумевше наше от истинны отпадение, да ущедрим сами себе, и противляющаяся нам ко исполнению евангельскаго жительства отвергше, прославим отца нашего, иже на небесех, иноческаго || добродетельми, сииречь постом и молитвою чистою, правдою же и целомудрием, молчанием же и безмолвием, <sup>т</sup> смиреньем же и безпечалием житейским, ими же возможем, ума исчистивше, божественному озарению сподобитися, и будем яко светило в мире, слово жизни имеюще, по Апостолу. Аще же сие не произволим иным путем, а не евангальским ходити, да исповедуем и да не лжем на священнаа писание попушати нам глаголюще с <sup>у</sup> сътяжанми и богатством и мятежнаа мирскими житьствовати, <sup>в</sup> и сих ради леть быти иноком лихоимствовать <sup>г</sup> и сокровища събирати на земли, идеже молие и червь погубляють и тате раскапавають.

Ниже да глаголемь непщеванием <sup>д</sup> непщующе в гресех, яко благовернии князи сиа приложиша к священным монастырем о спасении душ своих и памяти родителей их, <sup>е</sup> ниже бо изати ли возмогут от рук божиих приложшей сию. Егда мы аки обидливи и лихоимци от бога осужаемся, — не ложь бо глаголивый проповедник: «И обидливы и лихоимци и хищници царствия божиа || не наследят». <sup>ж</sup> Господь рече: «Аще кто оставил есть <sup>з</sup> отца или мать или села, а не рече: «Аще кто пристражеть». <sup>л</sup> И ты поругаяся

<sup>φ</sup> 2Тим. 2. 4. <sup>х</sup> Филип. 3. 20. <sup>к</sup> 1 Кор. 6. 10. <sup>л</sup> Лук.. 9. 23. <sup>м</sup> 1 Кор. 6. 10.

<sup>б</sup> Так С<sub>1</sub>С<sub>2</sub>С<sub>3</sub>; в ркп. брати. <sup>г</sup>—<sup>д</sup>. Так С<sub>1</sub>С<sub>2</sub>С<sub>3</sub>; в ркп. обнаживших. <sup>е</sup> Доб. из

С<sub>1</sub>С<sub>2</sub>С<sub>3</sub>. <sup>ж</sup> Доб. рече С<sub>1</sub>С<sub>2</sub>С<sub>3</sub>. <sup>з</sup> Так С<sub>1</sub>С<sub>2</sub>С<sub>3</sub>; в ркп. сицевых. <sup>л</sup>—<sup>м</sup> съборов

С<sub>1</sub>С<sub>2</sub>С<sub>3</sub>. <sup>н</sup> Доб. из С<sub>1</sub>С<sub>2</sub>С<sub>3</sub>. <sup>о</sup> Доб. вы С<sub>1</sub>С<sub>2</sub>С<sub>3</sub>. <sup>п</sup> повелевает С<sub>1</sub>С<sub>2</sub>С<sub>3</sub>.

<sup>р</sup>—<sup>с</sup> беспристрастие С<sub>1</sub>С<sub>2</sub>С<sub>3</sub>. <sup>т</sup> безлобием С<sub>1</sub>С<sub>2</sub>С<sub>3</sub>. <sup>у</sup> Нет С<sub>1</sub>С<sub>2</sub>С<sub>3</sub>.

<sup>в</sup>—<sup>г</sup> Нет С<sub>2</sub>. <sup>д</sup> Так С<sub>1</sub>С<sub>2</sub>С<sub>3</sub>; в ркп. непщевания. <sup>е</sup> своих С<sub>1</sub>С<sub>2</sub>С<sub>3</sub>. <sup>ж</sup> Так С<sub>1</sub>С<sub>2</sub>С<sub>3</sub>;

в ркп. еси. <sup>л</sup> притяжет С<sub>1</sub>С<sub>2</sub>С<sub>3</sub>.